

中國方志叢書·華中地方·第八〇五號

據

清·游法珠修，楊廷爲等纂
清乾隆十六年刊本

影印

江 西 省

信豐縣志

〔二〕

成文出版社有限公司印行

中華民國七十八年三月臺一版

信豐縣志

共二冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

著于天壤爲天下指目者故他邦得以簾之而此邦失其傳與否則此邦文獻無徵而散在他地者莫之檢閱也夫莫爲之前雖美弗彰莫爲之後雖盛弗傳以是知搜訪遺編廣求證據不可廢也傳曰無美而稱之是誣也有美而弗知不智也知而不傳不仁也願與此邑英賢廣求遺逸凡所採取既不失之誣又不失之不智不仁斯人物之傳信而有徵矣

新業

明

劉賓字友信編祿太伯此長潛心理學博通經史建文己卯

領事爲准官刑部未樂初上命吏部簡拔殊才授廣東道御史錄大辟囚數十經讞決者羣服其平時有鐵面御史之譽丁母憂歸服闋授山東道御史旋奉命巡按陝西時甘肅行太僕寺馬政照刷多弊按察以聞上謂實嚴明并以馬政屬之適詔下恤刑遣官分行天下都察院奏陝西有實在送賫勅以付因命考察諸僚條稱職者平涼守何士英等八十二人不稱職者慶陽守劉愷以下二十二人士疏上黜陟一如其言復命就京職時御史有不敢直陳者悉以屬實實切直以諫上怒下獄獄中復上疏謫戍遼陽卒遇赦家屬奉柩歸于信

有本已失舊志下注據舊志增誤查丙戌張志相傳惟
張太史郡志則云時上英明奏事者多震恐實丰采凝
峻同官多推讓一日事當奏偶依違被劾下獄與此判
然涇渭下注云據舊志增誤則未知何據也其辛巳二
月懸政刑部下不注何官則諸本如一云

黃閻字壽餘幼穎敏不羣十六領鄉薦踰冠登永樂戊戌進
士授翰林院庶吉士名振館閣同進者忌之性捐介在院
九載左遷儀隴令興利除弊民甚德之卒于官年僅三十
有一所著有竹居吟稿四川通志載名宦中略曰政尚嚴
明人不敢干以私時有鐵鉤縣之號見通志祀鄉賢

黃德溫字伯理登王號成德進士初選考功主事英廟北狩
時有內侍黨王振者旁叱言官于監國前德溫奮起批殺
之血浣朝衣王太宰呼爲一代豪傑後遷兵部武選司抗
疏劾武臣怙勢求遷者或致一清未幾以事出荆鎮江府
掌馬政鎮江有牧地數百畝爲豪右所鬻德溫按之豪饋
金百鎰拒弗受竟復其地平生廉介剛方門無私謁疾革
舉家禮授子震曰以此治吾喪毋崇佛事以壞家法家藏
有慎菴集

見通志紀卿賢

張尚瑗曰北狩監國批殺錦衣馬順于景帝前者王莊毅
紘之事所謂王給事名震天下而信豐志以爲黃德溫此

正與呂植隨陳東伏闕上書相類蓋一時義舉倡必有和
正史書其首事而慕義同聲者亦別書互見以垂不朽此
衆乘地志之所不容已也聶政刺韓傀而周策又稱陽豎
司馬錯爲秦謀滅蜀而華陽國志乃有張儀之蹟同功並
名之足資考挾者豈少哉

劉時省字日孜正統間以貢授黃陂令廉正剛方苞苴枉絕
丁艱歸服闋補樂清令清操如一出郊見枯骨輒瘞之民
頌詩曰頻埋白骨能捐俸賸餽黃金不動心蓋實錄也

通志紀節賢

王京字宗周成化己丑進士壬辰授刑部主事癸巳山東

平津命往賑多所全活已未陞員外郎獄南畿平反爲東
河南有妖言獄久未決司寇奏委能者京往不兩月盡得
其情陞郎中出守瓊州瓊人以訟逮繫者數百人京日召
囚四五人至庭諭以理法即時咸服不數月囹圄遂空瓊
父老喜相謂曰吾儕何幸復覩伯貞公耶伯貞前太罕王
文端公父字也名泰永樂中守瓊有仁政故以相比云丁
父憂去任三年特詔吏部起補舊郡瓊人聞公後來老稚
皆色喜既至而生黎願爲編戶如熟黎者十餘崗亡何得
疾卒瓊人不忘其惠愛建祠專祀焉

見通志祀鄉賢

曾明字文輝素負才名貢遊太學景泰丙子領鄉薦通判

州清操絕倫常督軍儲例有饋金一無所受未幾引疾致

仕

見通志祀鄉賢

俞溥字德洪文章名振藝林為陳白沙先生高弟弘治間貢授涇府審理正屢迄終養不允五年以憂歸服闋不起闕館談道以昌來學疾革猶整衣冠端坐與學者講尊德性章而沒

見通志祀鄉賢

江潮字道充領嘉靖甲午鄉薦初任長沙府推官操持清謹一塵不染憂歸起復補桂林性鯁直疎于承奉歷任九年轉德府審理以疾歸囊橐蕭然家徒壁立日以詩文自娛年九十八卒

見通志祀鄉賢

甘士价字維藩號紫亭家貧力學具文武資萬歷丁丑進士
令熙縣以廉能調丹陽擢山東道御史時臺諫務名以糾
劾閣臣爲賢士价曰朝宁間不以國計民生爲務而目事
爭訐善類相攻儉人得乘其隙政苟必爲之移東漢甘陵
唐白馬之禍不遠矣乃上和表一疏中外譴之視巡山海
居庸紫金等關講武勵兵修築墩臺補植樹木其編發抽
朶及召募宿弊一清更閱薊密永昌保定等處時兩關欵
塞之後邊釁未啓久詔停免臺臣閱視之役茲特勅復行
之士价一一親履其地險阻增設若干兵馬添福若干器
械整造若干監法當如何修舉番馬當如何收買積年冒

濫軍功一切釐正京盤錢糧勘覆工程未奏報者并入奏
報已丑秋按楚楚饑設法賑之辛卯按吳以鉏擊豪強名
尋掌河南道印司大寨會大理右丞缺御史陳雲登應授
內降以平士价冢宰孫復爭之遂罷傳授而上心重士价
旋擢大理左少卿已亥以右僉都撫鳳陽丁內艱歸起撫
兩浙濬南湖灌田以萬計戊申浙大水積禾之浸相傳二
百年來所未有士价疏留漕糧若干萬石貯發武林常平
賑之更引宋紹興故事請蠲內帑又乞蠲織造以甦民困
建虎林書院興生徒講學其中每開講必疏解條暢大學
中庸之旨其初登鄉薦時制藝用墨唐序語或誚之曰君

學號淵博乃熟讀學庸序耶士价應曰昔范希文教張子
厚讀中庸子生平所學正在此甲戌闈以用中庸序語見
黜丁丑仍用之得第蓋學術原本若此戊申以大理卿召
未及代而卒浙人立專祠祀之 見通志祀鄉賢

黃思賢字希齋年十二入邑庠洪武二十八年貢入太學授
刑部主事明年遷山東按察司僉事後左遷蘭州吏目贊
襄治理得更民心通政司奏復原職即命巡按遼東政尚
寬恕不事苛察又命巡視河漕監督有方又命疏濬河渠
軍民稱便事畢復命而疾作焉卒于京邸年四十有八生
平蒞官臨民一于和敬故事無不舉人皆德之

其源修字時敏號西澗成化五年拔貢初任永春勵清操憂
歸泣血三年如一日服闋補福建德化縣政簡刑清囹圄
一空捐俸設立義學教育英才以年髦致政歸士民祖餞
百里外依依不忍舍事載德化崇祀名宦志中

黃大節字斯立號庭翠少穎悟落筆驚人領萬歷癸酉鄉薦
丙戌登進士授太常寺博士時神宗儲嗣久不定大節上
疏請冊立東宮劾首輔王錫爵事在萬歷二十一年疏載
藝文志卷中後遷禮部儀制司主事轉湖廣按察司僉事
未之任以憂歸時萬歷二十八年庚子歲也服除起用浙
江按察副使不赴家居肆力經史杜門校讐當道有爲節

門下士及同門者遣使通候僅一函酬答絕不他及邑令
丁祭不肅委官代祭鄉賢以書責之愧謝不與見其嚴正
如此年七十有一卒

見郡志

許廷用字必輔由貢授漳州推官以清慎勤揭之座右尋歸
斷桂樹而亭之日與諸耆舊觴咏其中漳守陳高梧與同
官其後巡撫江西數迎之不赴卒年九十有六

見舊志

鄧友誠由貢授寧波照磨居家孝友蒞官勤慎有所委不以

卑官自視悉准禮法

見府志

胡璉天性孝友由貢授博羅知縣政尚豈弟縣治濱江多水

患璉捐俸築堤預防民皆德之

見府志

謝聖字金石領萬歷甲午鄉薦于古文學韓昌黎喜汲引後
進筮仕台州太平知縣以廉能特擢知湖廣德安府未任
卒家屬嘗立崇正書院講學學者稱爲白雲先生

見舊志

李乾瑞字應卿號崑廬授廣昌訓導值督學黃貞父檄取優
繇同官循例開報瑞獨請報優同官以例爭之瑞曰庠無
異生亦亦善乎列優以上其不暴人惡多類此毋訃至徒
疏奔赴伏棺晝夜哭形毀骨立遂寢臥于其側至下窆突
而止

歲暮歲貢崇禎初任吉水訓導常署教諭事當歲試學使
蒞檄舉諸生優劣行應舉以優上諸生中有爲鄉貴人所

通錄中以劣屬之司李司李方攝郡篆以檄責應舉應舉
往見司李言吉水諸生傳經餬口無可當劣者惟貴人子
舉間有不如法如必欲上當舉之司李怒揮之出曰癡教
官也應舉出請告去吉水曾大本感其義爲作癡教官傳
載吉水縣志名宦傳中

國朝

張濟美字在中號澹仙爲諸生時循循雅飭貢授廣信訓導
陞南昌教授恪恭和易上官重之告歸里邑令一謁外不
事干求篤厚周慎有古君子風

袁玘字聲倩號醒菴學工制舉業庚戌科貢於大廷名第

二除授峽江司訓課士有方擢山西交城縣丞蒞任日適
大尹告休命批攝篆時邑中磁瓦二河霖雨衝決為城害
珉捐俸鳩工修築文人勒石頌之以老乞歸父老攀轅泣
送者數十里

劉應京字御城幼岐嶷好學負大志能濟人窮困患難不欲
居名邑有乾鹽餉甚厲民大賈張某運鹽到邑昂其價人
嗟淡食賈自稱藩商倚勢橫行應訟于官鹽價遂平邑
中稱之

字濂水由例貢任四川丹稜縣丞蒞任七載惠愛清
介有正聲士民戴之去官日繪其像